

Hat abir hers bi sinir niftil, adir bi sinir geuattern, adir bi sinir mumen, oder pei nunnen in clostirn, so ist is das selbe recht.

267. Daz ein man anspricht gemain.

Uer ein gemain anspricht, di sol kain ainig man ansprechen.

Vnd spricht ain ainik man eine gemeine an, ienir sal im dorvmb czu rechte nicht antwurtin, her secze im denne einen purgen, ab her im enpreste, das her allin den enprosten si di in ansprechen vmme schulde di er gegen im geprochin habe.